

11. Avaliación tecnoloxía de 2º e 4º curso da ESO

11.1. Procedementos de avaliación

- **Avaliacións ordinarias.**

Repartirase a materia en 3 avaliacións. **En cada avaliación realizarase como mínimo un exame escrito.**

Nas avaliacións ordinarias tamén se valorará o traballo do alumnado (os traballos, as tarefas e os proxectos feitos ao longo da avaliación), de acordo cos criterios de cualificación.

- **Recuperacións.**

As recuperacións das partes suspensas realizaranse mediante exames escritos. Os contidos que se suspendan na primeira ou na segunda avaliación recuperaranse na avaliación seguinte. Os que se suspendan na terceira avaliación recuperaranse ao final da terceira avaliación.

Deberanse recuperar todos os contidos nos que se obtiveron puntuacións inferiores a 3 puntos nos exames escritos. Os exames escritos suspensos con notas iguais ou superiores a 3 puntos deberán ser recuperados só cando a nota media da avaliación sexa inferior a cinco, de acordo cos criterios de cualificación.

A alumna ou alumno que non aprobe a materia despois de facer as recuperacións ordinarias poderá realizar recuperacións extraordinarias das partes suspensas. Estas recuperacións extraordinarias faranse despois da terceira avaliación.

- **Avaliación final ordinaria.**

O período abranguido entre a 3ª avaliación parcial e a avaliación final dedicarase a actividades de apoio, reforzo, recuperación, ampliación e tutoría.

Logo da 3ª avaliación, para o alumnado coa materia suspensa realizarase un breve informe de avaliación individualizado que servirá de base para o deseño dos correspondentes exames de recuperación. Os alumnos suspensos durante as clases dese período resolverán as dúbidas, recibirán as explicacións precisas e realizarán actividades para preparar as recuperacións.

Os alumnos coa materia aprobada durante as clases dese período resolverán as dúbidas, recibirán as explicacións precisas e farán actividades e/ou traballos de reforzo e/ou ampliación.

11.2. Instrumentos de avaliación

- **Exames escritos** (instrumento fundamental de avaliación).
- Observación sistemática do rendemento académico nas clases e na casa:
 - **Actividades da aula virtual.**
 - **Traballos e actividades escritos a man ou co ordenador.**
 - **Proxectos.**

11.3. Criterios de cualificación

Os exames escritos, os traballos, as actividades e os proxectos feitos ao longo da avaliación serán valorados de 0 a 10 puntos.

Para calcular a nota media dos exames escritos realizarase a media aritmética de todos os exames escritos feitos ao longo da avaliación.

Os exames escritos nos que o alumnado non se presente e non xustifique a falta serán valorados cun 0. Igualmente, os traballos, as actividades e os proxectos non presentados terán unha valoración dun 0.

- **Avaliacións ordinarias.**

A nota de cada avaliación calcularase ponderando un 75% a nota media de todos os exames escritos e ponderando un 25% a nota do traballo do alumno.

Para aprobar a avaliación a nota deberá ser igual ou superior a 5 puntos.

Para poder aprobar unha avaliación, todos os exames escritos deberán ter unha nota igual ou superior a 3. De non cumprirse esta condición, aínda que o resultado obtido ao realizar o cálculo (utilizando as ponderacións mencionadas) sexa superior a 4 puntos, a nota na avaliación será simplemente un 4.

Para calcular a nota relativa ao traballo do alumno, asignaráselle unha ponderación a cada traballo, actividade ou proxecto feito durante a avaliación. Dita ponderación variará en función da dificultade e laboriosidade do traballo, a actividade ou o proxecto.

- **Recuperacións.**

Para recalcular a nota da avaliación escollerase a nota máis alta entre as dúas posibles: nota do exame inicial ou nota da recuperación. **En caso de facer máis dunha recuperación, dunha mesma parte da materia, terase en conta a recuperación na que sacase maior nota.**

Para recalcular a nota da avaliación, **a nota do traballo do alumno (25 %)** só terase en conta se favorece ao alumno. En caso contrario, unicamente terase en conta **a nota media de todos os exames escritos**.

- **Avaliación final ordinaria.**

A nota da avaliación final ordinaria obterase calculando a media aritmética das tres avaliacións. Para aprobar a avaliación final ordinaria a nota deberá ser igual ou superior a 5 puntos.

É condición necesaria para poder aprobar, que a nota en cada avaliación sexa igual ou superior a 3 puntos. De non cumprirse esta condición, aínda que o resultado obtido ao realizar a media aritmética sexa superior a 4 puntos, a nota na avaliación final ordinaria será simplemente un 4.

Os alumnos que xa teñan aprobada a materia logo da terceira avaliación farán actividades e/ou traballos de reforzo e/ou ampliación, durante o período abranguido entre a terceira avaliación parcial e a avaliación final. **A realización desas actividades e/ou traballos permitiralles mellorar a súa cualificación ordinaria ata un máximo de medio punto (0,5 puntos).**

11.4. Criterios de corrección e puntuación

Nos exames escritos a valoración de cada unha das preguntas farase de maneira proporcional á cantidade de contidos respondidos ou realizados e ao número de erros cometidos. Terase tamén en conta o vocabulario utilizado, as expresións empregadas e a presentación. O mesmo criterio terase en conta á hora de corrixir os traballos e as actividades.

Nos proxectos valorarase que este funcione de acordo ao previsto, a precisión nos cortes e nas unións e tamén os acabados.